

Sigle: s1495T2

Aufbewahrungsort: Maria Laach Abteibibliothek

Signatur: FF14

[Glr,01]vnfäglicher clarheit· mit als grof(=
fer vnfäglicher herrschafftē· Vnd
was fein antlucz vnd aller fein lei(=
be allfo wunnigklichen vnd allfo
fchôn· vnd allfo durchleüchtig· als
der weiffag sprach· er was der al=
lerfchônft mensch vor allen mensch(=
en kind· Vnd do er mir allfo ge=
waltigklich vnd mit allfo groffer
clarheit erfchin do sach er mich al(=
fo minnigklich vnd also gütigk=
lichen an· das ich meins herczen=
leides gancz vnd gar vergafz· das
ich ye von ym gewan vnd grüft
mich liblich vnd zartlich vnd sprach
zû mir· got grüfz dich süffe vnd mi(=
nigkliche mütter· gefegnet ob al=
len frawen· lafz dein groffe clage
[Glv,01]vnd yamer· wann dein kind ift er(=
ftanden von dem tode· vnd zûhand
viel ich nider vnd küft ym fein füfz
vnd sprach zû ym· ein ewiger fun
defz vatters von hymelreich vnd
mein zarcz kinde ich lob dich das
du menschlichs gefchlächte erlöft
haft mit deiner marter vnd mit dei(=
nem tode· vnd fey der vatter von
hymelreich ewigklichen gefegnet
der dich darumbe auff ertrich zû
mir fante· das du menschliche na=
tur von mir nameft vnd alle dife
welt erlöseft· Vnd do ich die wort

zû ym sprach do fchied er von mir
Darnach do kamen die zwölff po(=
ten· vnd mein schwefter vnd maria
magdalena vnd fagten mir das fy
[GIIr,01]yn gefehen hetten· do faget ich yn
auch das ich yn gefehen hette· fo
mit groffen gnaden· do hetten sy
groffe freud von meinem geficht
Wir freuten unfz nit allein· die fu(=
nen ward fich freüwen· doch ge=
wan fy nit allen iren fchein· Doch
fach man fy frölich an irem auff=
gang fpilen· Die erd die fich von
meins kindes tod erfchüt hat die
freüwet fich do mein kint aus dem
grab auff fy trat vnd erfchüt sich
von rechten freüden vnd gab die
toten wider die fy von adams zei=
ten gefangen het vncz dar das fy
weren zeügen der götlichen vrften=
de meus kindes· Do was mir al(=
les mein herczenleid genommen·
[GIIv,01]wann ich mein kind widerhette·
Ich freüwet mich das alles men=
fchliches gefchlächte erlöft was·
Darnach über ·xl· iare do das al=
les gefchach do kamen zwen her=
ren von rom der ein hiefz tytus der
ander vespafianus die zerftörten
ierufalem vnd fiengent als vil iuden
das man ir ·xxx· vmb ein pfening
gabe· als fy allein mein kind het=
ten geben vmb ·xxx· pfening· Vnd
rachen darmit meus kindes tode
Wer difz ·xij· zeit fpricht· als fy ge(=
fchriben ftet mit andacht der hat ein

iar ablas tötlicher fünde· als dick
ers spricht· von babft Innocencio·